

Aningaasaqarnermut Ataatsimiititaliap suliaq nr. 01.31.06/08-00354 pillugu pingasunngornermi 6. juni 2008-mi aalajangiinera pillugu Naalakkersuisunut ilisimatitsineq.

(Naalakkersuisut ulloq 7. juli 2008-mi ataatsimiinneranni imm. 2e)

Inissianut tapersiissuteqartarnermut aningaasat amerlanerusut

Naalakkersuisut **inassutigaaat** ,

- kontomi pingaarnermi 80.00.01-imi, Nuussinissanut sillimmatinut tunngasumi, aningaasaliissutit 5.000.000 koruuninik ikilineqassasut.

- kontomi pingaarnermi 87.72.23-imi, Inissialiortiternermut tapersiissutitut iluarsaassinissamut tapiissutitut tunngasumi, suliassamut nr. 996.37.052-imut, Inissialiortiternermut tapersiissutitut iluarsaassinissamut tapiissutitut tunngasumut, aningaasaliissutit 2008-mi 3.000.000 koruuninik amerlineqassasut

- kontomi pingaarnermi 89.72.21-imi, Inissialiortiternermut tapiissuteqartarnermi iluarsaanissamut immikkullu aserfallatsaaliinissamut taarsigassarsititsinerumut tunngasumi, suliassamut nr. 996.37.047-mut, Inissialiortiternermut tapiissuteqartarnermi taarsigassarsiarititanut tunngasumut, aningaasaliissutit 2008-mi 2.000.000 koruuninik amerlineqassasut.

Aningaasaqarnermut Ataatsimiititaliap oqaaseqaatai

Iliusissatut pilersaarut Inissiaatileqatiffimmit A/S INI-imit maanna suliarineqartoq qinnuteqaammi matumani pineqartumi takuneqarsinnaavoq, taanna malillugu inunnut ataasiakkaanut iliuusissatut pilersaarusiornissaq siunertaralugu boligstøtti aqutigalugu illuutillit siunnersortimit takuniarneqassapput. Tamanna paasissutissiissutigineqartut naapertorlugit iluarsaanissamut taarsigassarsisitsinissamut aammalu iluarsaanissamut tapiissuteqarnissamut aningaasanik amerlanerusunik pisariaqartitsinermik nassataqarpoq.

Boligstøttemut akiligassatigut kinguaattoorutit siusinnerusukku toqqissisimangissutaasimapput. Taamaallunilu akilersuutininik aalajangersimasumik akiliisarnissap qulakkeerneqarnissaa siunertaralugu BSU aqutigalugu illuutillit arlallit ukiup allaanoortumik akiliisarunnaarlutik qaammammoortumik akiliisalernissaat erseqqilluinnartumik pisariaqartinneqartoq Aningaasaqarnermut Ataatsimiititaliap taamani Ineqarnermut Attaveqarnermullu Naalakkersuisuusumut ulloq 31. marts 2005-imi allapput (Suliaq 01.31.29-00026). Suliassaq tamanna assut pingaartinneqartariaqartoq ataatsimiititaliap Naalakkersuisunut erseqqissaatigaa. BSU-mut akiligassatigut kinguaattoorutit amerliartuinnarn erannik ajornartorsiut akiligassanik nalikilliliinerup annertusinerinnaatigut aqqinneqarsinnaangitsoq erseqqissaatigissallugu ataatsimiititaliap pissutissaqarsimavoq.

Tamanna tunngavigalugu akiligassat amerliartuinnartut appartinneqarnissaat iluatsissimanersoq pillugu paasissutissanik pissarsitinneqarnissani ataatsimiititaliap qinnutigissavaa. Inunnut aningaasaqarnikkut pisussaaffimminnik equutsitsisinnaangereersunut taarsigassarsitseqqittoqaqqunagu BSU aqutigalugu illuutillit iluarsaanissamut taarsigassarsitinneqannginneranni aningaasaqarnikkut naliliisoqassanersoq paasissutissiissutigineqassasoq aamma kissaatigineqarpoq.

Aningaasaqarnermut Ataatsimiititaliap aalajangiinera

Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput** . Tamatuma peqatigisaanik allakkat uku nassiunneqarnerannit sapaatit akunneri pingasut iluini apeqqutitut siuliani allassimasunut akissutip tiguneqarnissaa ataatsimiititaliamit

qinnutigineqassaaq. Naalakkersuisut akissuteqaataat kalaallisut danskisullu nassiuteqquneqarpoq
elektroniskimillu nuutinnera uunga nassiuteqquneqarluni: nch@gh.gl

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua